

Uumama Namaatti Xinxalluu-Kutaa 3

Description

Har'as kutaa darbe irraa itti fufuun uumama keenyatti xinxalluuun iimaana keenya cimsanna.

Funyaan

Rabbiin subhaanahu wa taâ€™aalaa funyaan fuula jidduu godhe. Boca, haalaa fi bakka isaa ni tolche. Qaawwa lama isa keessaan baasee jidduu isaanii addaan baasaa (barrier) taasise. Qaawwa lamaan kana keessa qaama miiraa fuufachuu godhe. Qaama miiraa fuufachuutiin urgaaâ€™a fi ajaaâ€™a, gaarii fi badaa addaan baasan. Akkasumas, qaawi lamaan kunnii qileensa harkisuun onnee geessa. Onneenis qilleensa kanaan ni haarlofti, boqonnaa fudhatti.

Fooli akka hin qabne, hin laaffisnee fi yaaâ€™insa isaa akka hin kunneef keesso funyaanii akka keessoo gurraa jajallaa fi gingilchaa hin taasisne. Rabbiin oltaâ€™aan funyaan xuriin sammuu keessaa yaaâ€™u iddo itti walitti qabamu taasise. Xuriin sammuu keessaa yaaâ€™u funyaan keessatti walitti qabamuun ergasii gara alaatti baha. Ajaaâ€™ib!!!!

Ogummaa Isaatiin jala caalaa gubbaa funyaanii dhiphaa godhe. Jalli funyaanii balâ€™aa taâ€™uun, xuriin sammuu irraa dhufu isa keessatti walitti qabamuun haala salphaan gara alaatti akka bahuu gargaara. Akkasumas, qilleensa baayâ€™ee fudhachuun ergasii hanga onnee gahuu xiqqoo xiqqoon gara olii ol fudhata. Ogummaa fi rahmata Isaatiin qaawwa funyaanii lamaan cufaan (barrier) addaan baase. Funyaan ujumoo wanti sammuu irraa dhufe keessa yaaâ€™u fi qilleensa alaa fudhachuun gara onnee dabarsuu waan taâ€™eef cufaan kuni qaawwa lamaan jidduu jiraachuun faayda guddaa qaba. Funyaan keessatti cufaan (addaan baasaan) qaawwa lamaan jidduutti argamu, qilleensi qulqulluun gara funyaanii seenu xurii sammuu irraa dhufuun akka hin faalamne eega. Yeroo baayâ€™ee dhangalaâ€™aan surrii (mataa) keessaa bahuu qaawwa funyaani tokkoon dhangalaâ€™a. Qaawi biraa immoo qilleensaaf duwwaa taâ€™a. Garuu dhangalaâ€™aan qaawwa lamaan keessaan kan dhangalaâ€™u yoo taâ€™e, dhangalaâ€™aan gara tokkotti taâ€™uun qilleensaaf bakka dhiisa. Funyaan akka ijaa ykn gurraa lama waan hin taaneef qaawwa funyaani bakka lamatti qoodun barbaachisaa taâ€™e. Qaawi tokko osoo miidhamee ykn dhukkubni tuqe, qaawi biraa hojii ofii hojjachuun wanta nama barbaachisu galmaan gaha. Fuula tokko irratti funyaan lama qabaachun wanta nama fokkisuun waan taâ€™eef Khaaliqni Beekaa fi Ogeessa taâ€™ee fuunyaan tokko qofa godhe. Garuu qaawwa lamaan isa keessatti gochuun cufaan addaan baase. Rabbii Gooftaa aalamaa taâ€™ee fi uumamtota hunda caalee tolti Isaa baayâ€™atte.

Afaan

Rabbiin subhaanahu wa taâ€™aalaa namaaf iddo isaf maluu fi gaarii taâ€™etti afaan baaseef. Afaan kana keessa faaydaa baayâ€™ee, meeshaalee dhandhamaa, dubbachuu fi meeshaalee ciniinu, muruu fi bulleessu godhe. Mallattoolee gara Rabbii akeekan keessaa tokko arraba afaan keessa godhe. Mootii kutaalee qaamaa kan taâ€™ee qalbiif arraba tarjumaan (hiikaa) taasisee. Akkuma gurri wantoota alaa walitti qabuun gara qalbiif geessu arrabnis wanta qalbiin feetu fi labsuu barbaaddu irraa fuudhe gara alaatti baasa. Gurri ergamaa oduu alaa walitti guurun gara qalbiif geessudha. Arrabni immoo ergamaa

wanta qalbiin barbaaddu gara alaatti geessudha. Gurri ala irraa gara qalbii, arrabni immoo qalbii irraa gara alaatti oduu geessa. Subhaanallah!!!

Rabbiin ogummaa Isaatiin ergamaa kana (arraba) eeggamaa fi haguuggamaa godhe. Akka funyaani, ijaa fi gurraa ifatti kan bahee miti. Kutaaleen qaamaa kunniin ala irraa gara keessatti odeefannoo waan geessaniif ifatti kan bahanii fi kan mulâ€™atan taasise. Arrabni immoo qalbii irraa gara alaatti odeefannoo waan baasuf kan haguuggamuu fi eeggamu taasifame. Gara alatti bahuun homaa hin fayyadu waan taâ€™eeef.

Akkasumas, arrabni qalbiin booda kutaa qaamaa kabajamaa waan taâ€™eeef isa irratti daasin ykn waxxeen godhame. Akkuma qalbiin qoma keessatti godhamte, arrabnis daasi keessa godhame. (Arraba afaan keessatti yommuu ilaallu daasi ykn waxxee jala waan jiru fakkaata.) Akkasumas, arrabni kutaalee qaama hunda caalaa qaama laafaa fi jiidhaa taâ€™eedha. Jiidhinna isa marseen malee hojjachuu hin dandaâ€™u. Ossoo ifatti kan bahuu taâ€™ee, silaa hooâ€™insaa fi gogiinsa hojji isaatirraa dhoowwuf saaxilamaa ture. Kanaan alatti faaydaalee birootif arrabni afaan keessatti eeggame.

Ergasii Rabbiin subhaanahu wa taâ€™aalaa ilkaan namaaf faaya, meeshaa jirenyaa fi soorannaar gochuun afaan miidhagse. Ilkaan gariin meeshaa itti bulleessaniidha, gariin immoo meeshaa itti cininanii fi muraniidha. Hundee isaa ni jabeesse, fiijee isaa ni qare, bifa isaa ni addeesse, hiriira isaa tartiiba qabsiisee walitti galoo taasise.

Kana hundarratti immoo gidaara (girgiddaa) lamaaniin ni marsee. Faaydaalee fi iccitii isaan keessa gochuu qabu ni godhe. Gidaarri lamaan kunniinis hidhii lamaani. Bifa, boca, haalaa fi bakka isaanii ni tolche. Afaaniif haguuggii taasise. Akkuma laagaan fagoon iddo jalqabaa sagaleen qubeewwanii irraa kaâ€™uu taasisee, hidhii lamaaniis iddo xumuraa sagaleen itti dhumatu taasisee. Arrabni immoo jidduu lamaanii taâ€™uun uumama qubeewwaniitiif gahee olâ€™aanaa taphata. Dhugaatiif akka mijaaâ€™uu fi cufanii banuuf akka salphatuuf Rabbiin subhaanahu ogummaa Isaatiin hidhii foon qofa lafee kan hin qabne taasise.

Kutaa afaanii isa gadii aanu sochiif ni murteesse; sababni isaas, salphaa fi sochiif waan taâ€™uuf. Kutaa afaanii gara olii immoo kutaalee qaamaa garmalee barbaachisoo taâ€™an waan of keessa qabuuf sochoâ€™uun akka hin miidhamne taasise. Kan sochoâ€™uu fi nyaata afaan keessa oli gadi oofu kutaa afaanii gara gadiiti. Kutaan olii immoo bakkuma ofii qabatee tura. Rabbiin subhaanahu wa taâ€™aalaa ni jedha:

﴿أَلَمْ نَجْعَلْ لَهُ وَعِنْيَنِينَ ﴿٨﴾ وَلِسَانًا وَشَفَتَيْنِ ﴿٩﴾ وَهَدَيْنَاهُ الْنَّجْدَيْنِ ﴿١٠﴾﴾

â€œSila Nuti ija lama isaaf hin goonee? Arrabaa fi hidhii lamas [isaaf hin goonee]? Karaa lama isaaf ibsine.â€ Suuratu Al-Balad 90:8-10


Kana jechuun sila ilma namaatiif ija lamaa ittiin ilaalu isaaf hin goonee? Arrabaa fi hidhi lama ittiin haasawu isaaf hin goonee? Kanarratti dabalatee karaa gaarii, haqaa, qajeelaa fi karaa badaa, sobaa fi jallataa isaaf hin ibsinee? Kitaabban buusu fi Ergamtoota erguun karaalee lamaan kanniin ifa goone.

Amma mee gara kokkee ilaali! Dhiphinnaa fi balâ€™innaan, jabinnaa fi laafinnaan, dheerinnaa fi gabaabbinnaan kokkee boca garagaraa akka qabaattu taasisee uume. Sababa kanaan, sagaleen namootaa garaagarummaa guddaan garagara taâ€™an. Darbe darbee yoo taâ€™e malee sagaleen lama wal hin fakkaatan. Kanaafi, namni ballaan ragaan isaa ni fudhatama jenne amanna. Akkuma namni ijaan arguu namoota suuraa isaanii addaan baasu namni ballaanis namoota sagaledhaan addaan baasa.

Rifeensa

Rabbiin subhaanahu wa taâ€™aala mataa rifeensan ni miidhagse. Waan isa barbaachisuuf rifeensa uffata isaaf godhe. Rifeensa bocaa fi hamma garagaraa qabuun fuulas ni faaye. Nyaaranis ni miidhagse. Nyaarri wantoota gogaa mataa irraa gara ijaatti buâ€™u ni eega. Akkasumas, boca nyaaraa marfataa (jallaa) godhe. Qola ijaas rifeensaan miidhagse. Fuula dhiiraas areeda kabajaa fi dhaabbannaa isaaf kennuun bareechise. Hidhii lamaanis gubbaan afkarroo, jalaan immoo areeda magarsuun miidhagse.

Harka, Qubbiini fi Qeensa (Kottee)



Haaluma kanaan harka lamaan meeshaa garmalee barbaachisaa, soorata ittiin argatuu fi hojii adda addaa ittiin hojjatu uumeef. Qaama isaatirra bakka fedhe akka gahuuf harka lamaan ni dheeresse. Dachaasu fi diriirsuuf akka isatti tolu ganaa ni balâ€™iseef. Qubbiin shan ni godheef. Quba guddaa malee qubbiin hundaa bakka sadii saditti qoode. Quba guddaa immoo bakka lamatti qoode. Qubni guddaan qubbiin hundarra akka naannaaâ€™uuf qubbiin afran cinaa tokko, quba guddas cinaa tokko kaaâ€™e. Iddoon kaaâ€™umsa iddo hundarra gaarii dachaasuuf, diriirsuu fi hojii hojjachuuf toluudha. Namoonni jalqaba irraa kaasee hanga dhumaal sassaabamuun bakka kanaan alatti bakka irra gaarii qubbiin kaaâ€™uuf osoo yaadanii gonkumaa gochuu hin dandaâ€™an. Rabbii akkanatti qubbiin godheef tolti Isaa baayâ€™atte! Osoo fedhee silaa qubbiin shanan akka saanii dundumaa gochaa ture. Silaa namnis hojii isaa garagaraa kanneen akka barreessu, bocu, qotuu fi kkf gochuu hin dandaâ€™u ture. Qubbiin ofii yoo diriirse akka saanii ykn tirii taâ€™uun wanta fedhe irraa kaaâ€™a. yoo dachaase immoo meeshaa ittiin dhayuu taâ€™aaf. Diriirsuu fi dachaasu jidduu yoo godhee immoo akka falâ€™aana waa itti nyaatu fi waan fedhe ittiin guutuu taâ€™aaf.

Miidhaginna, jabeenya fi eeggumsa akka taâ€™uuf fiixee qubbiinii irratti kottee (qeensa) godhe. Wantoota xixiqoo fi haphii qubbiin dhaqqabuu hin dandeenydhaqqabuuf qeensi barbaachisaadha.

Namaan ala bineensotaa fi allaattiwwaniif kottee meeshaa waraanaa fi soorataa godhe. Namni yeroo barbaadu akka qaama isaa ittiin hooqf qeensa godheef. Kotteen kutaalee qaamaa keessa isa xiqqa fi tufatamaa taâ€™e kuni osoo dhabamee fi ergasii namni qaama ofii hooqu yoo barbaade, silaa haajaan inni kotteef qabuu garmalee itti cima. Qaama hooqf bakka kottee wanti bakka buâ€™uu osoo jiraachu baatee ergasii harka isaa bakka san hooqf dheeresse, hanga kottee homaa isa hin fayyadu.

Dabalata waaâ€™ee qubaa ilaalchisee Qurâ€™aanaa fi Saayinsii irraa:

﴿يَحْسَبُ الْإِنْسَنُ أَنَّ تَجْمَعَ عِظَامَهُ ۚ بَلْ قَدِيرٌ عَلَىٰ أَنْ نُسَوِّيَ بَنَانَهُ وَ﴾

â€œSila namni lafee isaa walitti hin qabnuu yaadaa? Eeyen [walitti ni qabna]. **Fiixee qubbiin** isatu akka turanitti deebifnee sirreessu irratti Dandaâ€™oodha.â€•

Akkuma irranatti jenne uumamni qubbiinii uumama ajaaâ€™ibaa Dandeetti fi Tokkichummaa Rabbii oltaâ€™aa agarsiisaniidha. Ashaaraa qubbiinii namoota lamaa addunyaa keessatti yookiin inuma seenaa keessatti wal hin fakkaatan. Namoonni biliyonatti lakkaawaman dachii irra jiran asharaan quba isaanii wal hin fakkaatu. Inuma namoonni lakkkuu dhalatan asharaa wal fakkaatu hin qaban. Kanaafi, biyyoonni addunyaa hundi eenyummaa namaa beekuuf asharaa qubaatti fayyadamu. Biyyoota garii keessatti yuniversitii, hospitaala, buufata xiyyaaraa fi iddo adda addaatti asharaa fayyadamu. **Fiixee qubaatin** meeshaa asharaa yoo tuqan, eenyummaa nama ni baasa. Namoonni kumaatamatti lakkaawaman meeshaa kana tuqan asharaan isaanii gonkumaa wal hin fakkaatu. Eenyuto akkanatti qubbiin namoota biliyonatti lakkaawaman asharaa isaanii garagara godhee? Dhugumatti, Rabbii waan hundaa beeku, ogeessa taâ€™e malee eenyullee gochuu hin dandaâ€™u. Inni waan hundaa irratti Dandaâ€™aa, Beekaadha.

﴿وَلِلَّهِ مُلْكُ السَّمَاوَاتِ وَالْأَرْضِ وَاللَّهُ عَلَىٰ كُلِّ شَيْءٍ قَدِيرٌ﴾

“Mootummaan samii fi dachii kan Rabbiiti. Rabbiin waan hundaa irratti Danda’aadha.” Suuratu Aali-Imraan 3:189

Kitaabban wabii:

[1]Miftaahu Daaru saâ€™aadah fuula 544-550, Imaamu ibn Al-Qayyiim Â Â
Men and The Universe-hiika boqonnaa muraasaa kitaaba armaan olii-fuula 16-26

Date Created

March 17, 2019

Author

admin